



DIARIO

E MATUTINO DI ARUBA

Telefon 826747 - FAX 828551

Aña 17 No. 4858 - 1 Florin

DIALUNA 27 JANUARI 1997

CLAUDIUS A BARI



ORANJESTAD (AAN): Claudius Philips cu su grupo OREO a bari cu e premionan principal di Calypso y Roadmarch Contest. El a gana cu su calypso "Who's The Enemy?", y e roadmarch "Pocket Bashi". Masha pabien.

MIGHTY TALENT A SWEEP CONCURSONAN

ORANJESTAD(AAN):

Te 4 or dimaduga e ambiente den Palo Marga Ball Park tabata formidable sin ningun problema durante concurso di calypso y roadmarch diasabra anochi, pero ora cu polis a duna or-

den di para e concurso 4 or, publico a lanta y despues di hopi deliberacion y cu intermediacion di prome ministro Eman, a ser duna un periodo cortico pa termina e concurso y duna resultadonan.

E concurso a cuminsa pa 5 pa 9 anochi cu maestro di ceremonia introduciendo

president di Sac y e prome agrupacion EQO a cuminsa toca su soundtest warm-up song 10 pasa di 9, sigui pa su warmup song "Join e body" 13 minuut pasa di 9.

Pa 9.15 or e prome cancion participante a cuminsa.

Cuat'or di maduga, polis a para e evento manteniendo nan mes na e permiso cu a ser duna cu a stipula cu ta termina e concurso pa 4 or di maduga.

Na e momento aki tabata tin solamente OREO pa subi escenario cu dos cancion di Mighty Talent.

Hopi critica tabata tin riba actuacion di polis cu por a laga e concurso sigui 15 minuut mas, pero tabata tin tambe comentarionan na favor di polis.

A yega asina leeuw te cu a busca intermediacion di prome ministro Eman cu a duna permiso pa sigui mey ora mas, locual a duna tempo pa OREA duna su presentacion y pa juradonan trece dilanti resultado di e concursionan.

Mighty Talent cu OREO, a sweep e dos titulonnan un biaha mas.

Den calypso e tabata tin bon competencia di Mighty Jaoul, Mighty Whitey,



Singing Olivia y King computer, kendenan a termina den e secuencia aki tambe tras di Talent.

Den Roadmarch, Mighty Talent tabata tin competencia mas fuerte ainda y esaki a bin di Lord Papito y

Mighty Jaoul principalmente, kendenan a termina na di 2 y 3 lugar, sigui pa Long roy y Singing Olivia.

Locual turhende a comenta tabata e improvisacion di Mighty Talent durante su calypso "Who's the enemy". Na momento di tabata cantante el a pensa un couplet y a lanza esaki den su cancion mes ora basa riba e sucedido di algun minuut prome cu polis a para e concurso.

E improvisacion aki sigur a duna mas puntuacion, pa e experticio di e cantante di improvisacion.

Mighty Jaoul cu Coco Loco band y tambe Long Roy cu e mes banda, tabata tin masha bon presentacion y cla pa cay entre e prome 3 nan. Pero Lord Papito cu Latin Fever a sorprende cu un roadmarch masha fuerte cu tabata un roadmarch ganador "ah chick ah pickin'" si no tabata pa e "Pocket bashi" cu a bin resulta e ganador pa Mighty Talent.

E publico y e cantante y musiconan a acepta e resultado di anochi cu masha deportivismo locual a haci tambe cu e anochi a termina di un forma agradable y feliz.

ASOMA kier a boycotea DIARIO?

CLAUDIUS SUPER CONTENTO



ORANJESTAD (AAN): Ta parce cu ASOMA kier a boycot DIARIO completamente riba Diasabra anochi. Fotografo di DIARIO a ser nenga entrada den Palo Marga! Te exactamente 12:23 a.m., porfin nan a lage drenta! Pa tal motibo, e dos paginan di color cu DIARIO tabata tin reserva pa "Roadmarch y Calypso Contest" no por a

continua. No tin excusa pakico e 'bully' nan na porta no kier a laga e fotografo di DIARIO drenta pa nada di mundo, no obstante e tin su badge y ID. Diabierna mes DIARIO a haya confirmacion di M.G. di ASOMA, cu e fotografo lo por drenta sin problema! Por a compronde cu mas hende tambe a pasa den e problema. Claudius pabien!



CLAUDIUS A BARI, BARI, Y UN BIAHA MAS BARI DEN CALYPSO FESTIVAL

ORANJESTAD (AAN) Di-asabra madruga e Rey di Calypso di Aruba, Claudius, un biaha mas a demostra cu no ta pornada nan ta yame e Rey di Calypso na Aruba.

"Ta tur hende a haya" Esaki tabata reaccion di e publico grandi cu tabata tin na Palo Marga pa presencia e festival di Calypso.

"Claudius su texto di Ca-

lypso tabata un protesta formal contra tur sorto di cos cu no ta bay bon na Aruba y pa cual nos tur ta forma parti di dje y pa cual nos tur tambe ta carga e culpa" tabata reaccionnan cu DIARIO a haya di hopi pero hopi hende.

Ta di con durante aña nos no por toca Calypso y ta den luna di januari y februari so e pueblo den pura ta haya mu-

sica di Calypso riba su dak manera cu mas no tin?

E Rey di Calypso a cuestiona e hecho cu na december e pueblo ta haya gaita y aguinardo pusha riba dje y musica di carnaval y specialmente calypso no ta worde tolera riba radio.

Aruba su historia di carnaval ta uno hopi rico y te awe nada concreto a worde haci, pa sigur na San Nicolas caminda e alma di Calypso ta bon hancra, pa haci mas cu Calypso durante aña y no durante carnaval so.

Calypso ta un forma pa pro-

testa contra asuntonan cu ta tuma lugar den pueblo y den gobierno y ta pesey e Rey di-asabra madruga, den e biento di laman cu tabata pasa riba Palo Marga, a manda un mensahe pa parlamentarionan cu a zona bon raspa y cu sigur lo a keda echo te den edificio di Parlamento pa henter siman.

Ta di spera cu durante dianan aki tur radio emisora toca e Calypso di Claudius tras di otro pa asina esnan cu e sapato cumenza primi nan, cumenza realiza den kico nan ta hincando pa Aruba.